

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULIZA LEO**

**MKUTANO WA KUMI**

**KIKAO CHA TATU**

**01 FEBRUARI, 2018**



# ORODHA YA SHUGHULI ZA LEO

## MKUTANO WA KUMI

**KIKAO CHA TATU – TAREHE 01 FEBRUARI, 2018**

**I. DUA:**

**II. HATI ZA KUWASILISHA MEZANI:**

### **WAZIRI WA FEDHA NA MIPANGO:**

Taarifa ya Serikali kuhusu Tathmini ya Hali ya Uchumi na Utekelezaji wa Bajeti kwa Kipindi cha Julai – Disemba, 2017 na Mwelekeo hadi Juni, 2018.

### **MWENYEKITI WA KAMATI YA KUDUMU YA BUNGE YA HESABU ZA SERIKALI:**

Taarifa ya Kamati ya Kudumu ya Bunge ya Hesabu za Serikali (PAC) kuhusu Shughuli za Kamati kwa mwaka 2017.

### **MWENYEKITI WA KAMATI YA KUDUMU YA BUNGE YA HESABU ZA SERIKALI ZA MITAA:**

Taarifa ya Kamati ya Kudumu ya Bunge ya Hesabu za Serikali za Mitaa (LAAC) kuhusu Shughuli za Kamati kwa mwaka 2017.

### III. MASWALI:

#### OFISI YA RAIS (TAMISEMI):

#### 30. MHESHIMIWA OMAR ABDALLAH KIGODA (HANDENI):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itapeleka Madaktari na Wauguzi katika Hospitali ya Wilaya ya Handeni hasa ikizingatiwa kuwa hali ya Hospitali hiyo kwa sasa sio nzuri.

#### 31. MHESHIMIWA MARTHA JACHI UMBULLA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Wilaya ya Hydrom inahudumia Wananchi wengi lakini inakabiliwa na changamoto ya uhaba wa Watumishi, Madaktari wakiwemo Madaktari Bingwa pamoja na ukosefu wa maji:-

- (a) Je, Serikali itachukua hatua gani za dharura kutatua changamoto hizo;
- (b) Kwa kuwa Watumishi hawa wanafanya kazi katika mazingira magumu; Je, ni kwa nini

Serikali isiondoe kodi kwenye posho zao kama vile *“on – call allowance”*, *“hardship allowance”* na *“food allowance”*.

**32. MHESHIMIWA GRACE VICTOR TENDEGA  
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Upembuzi yakinifu wa kutumia chanzo cha maji ya Mto IBOFWE ili kumaliza tatizo la maji katika Kata za Magulilwa, Luhota, Mseke, Ifunda, Mgama na Maboga ulifanyika kati ya 1995 – 2000 chini ya usimamizi wa Mbunge wakati huo Mhe. George Mlawa na bajeti ya utekelezaji wake kupitishwa na Bunge hili ili uwe katika kipindi cha 2000 – 2005/ 2005 - 2010:-

Je, ni tatizo gani lililofanya mradi huo usikamilike na kuwaacha wananchi wakiendelea kuteseka wakati Bunge lilikwishapitisha bajeti ya mradi.

**WIZARA YA MIFUGO NA UVUVI:**

**33. MHESHIMIWA VEDASTO EDGAR NGOMBALE  
(KILWA KASKAZINI):**

Atamuuliza Mheshimiwa Waziri wa Mifugo na Uvuvi:- Sekta ya uvuvi ni moja ya maeneo ambayo Serikali ya Awamu ya Tano inayaona kuwa

yanaweza kukuza uchumi kwa kuongeza Pato la Taifa, kupunguza umaskini na tatizo la ajira:-

Je, Serikali ina mkakati gani wa kuwawezesha wavuvi wadogo wadogo Wilayani Kilwa kwa kuwapatia zana za kisasa za uvuvi.

**WIZARA YA KATIBA NA SHERIA:**

**34. MHESHIMIWA USSI SALUM PONDEZA (CHUMBUNI):**

Atamuuliza Mheshimiwa Waziri wa Katiba na Sheria:- Katiba ya Jamhuri ya Muungano inatambua uwepo wa Tume ya Haki za Binadamu na Utawala Bora:-

- (a) Je, kwa nini ripoti za Tume hiyo hazitolewi kwa muda muafaka kila mwaka kama masharti ya Katiba yanavyosema;
- (b) Je, ripoti ya mwisho ya Tume hiyo ilitolewa mwaka gani na lini imewasilishwa Bungeni;
- (c) Je, kwa nini harakati za Tume hiyo katika kushughulikia migogoro ya ardhi, ukaguzi wa Vituo vya Polisi, Magereza pamoja na matukio ya uvunjaji wa Haki za Binadamu umezorota kinyume na miaka ya nyuma.

**35. MHESHIMIWA ANNA RICHARD LUPEMBE  
(VITI MAALUM):**

Atamuuliza Mheshimiwa Waziri wa Katiba na Sheria:-

Je, ni lini Serikali itajenga Mahakama ya Mkoa wa Katavi.

**WIZARA YA AFYA, MAENDELEO YA JAMII, JINSIA,  
WAZEE NA WATOTO:**

**36. MHESHIMIWA MATTAR ALI SALUM  
(SHAURIMOYO):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Wananchi wengi hapa nchini hasa wanawake hutumia vipodozi ambavyo havina viwango vinavyofaa kwa matumizi ya binadamu. Pamoja na jitihada za Serikali kuzuia bidhaa hizo, lakini bado zinaingizwa nchini na kutumika:-

(a) Je, Serikali ina mpango gani madhubuti wa kuzuia uingizwaji na utumiaji wa vipodozi hivyo;

(b) Je, Serikali inaweza kutumia fedha kiasi gani kuzuia bidhaa hiyo kuingia nchini;

(c) Je, adhabu gani inatolewa kwa yeyote anayekamatwa akiingiza nchini vipodozi visivyofaa kwa matumizi.

**37. MHESHIMIWA HAWA SUBIRA MWAIFUNGA (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwa na wimbi kubwa la ongezeko la watoto wa Mitaani katika Miji na Majiji mengi hapa nchini:-

Je, Serikali haioni umuhimu wa kuwa na Sheria zitakazoibana jamii kuwa na wajibu wa kuwalea watoto hao badala ya kuwaachia majukumu Mashirika yasiyo ya Kiserikali.

**WIZARA YA UJENZI, UCHUKUZI NA MAWASILIANO:**

**38. MHESHIMIWA ANDREW JOHN CHENGE (BARIADI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Sera ya Serikali ni kuunganisha Makao Makuu ya Mikoa kwa barabara za kiwango cha lami. Mkoa wa Simiyu haujaunganishwa na Mikoa jirani ya Singida na Arusha:-

Je, Serikali ina mpango gani wa kuifanyia upembuzi yakinifu na usanifu wa kina barabara ya Bariadi – Kisesa – Mwanhuzi hadi Daraja la Mto Sibiti na hatimaye ijengwe kwa kiwango cha lami.

**39. MHESHIMIWA RASHID AKBAR AJALI  
(NEWALA VIJIJINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wilaya ya Newala ni Wilaya kongwe ambayo hata utawala wa Wajerumani walizingatia mpango bora wa matumizi ya ardhi ambao Wilaya hiyo imepangwa tangu enzi lakini hivi karibuni TANROADS wamefanya upanuzi wa barabara ulioelekea hadi Chitandi - Masasi:-

Je, kwa nini Serikali kupitia TANROADS Mtwara isifanye tathmini ya nyumba za wakazi hao na kuwalipa fidia.

**IV. HOJA ZA KAMATI:**

**MWENYEKITI WA KAMATI YA KUDUMU YA BUNGE  
YA HESABU ZA SERIKALI:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Hesabu za Serikali kuhusu Shughuli za Kamati kwa Mwaka 2017.



**MWENYEKITI WA KAMATI YA KUDUMU YA BUNGE  
YA HESABU ZA SERIKALI ZA MITAA:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Hesabu za Serikali za Mitaa kuhusu Shughuli za Kamati kwa Mwaka 2017.

**DODOMA  
01 FEBRUARI, 2018**

**S.N. KAGAIGAI  
KATIBU WA BUNGE**

